

[Augsburg], 7. März 1564

An Johannes Oporinus

UB Basel, Fr. Gr. I 11, fol. 270r.

Steinmann Nr. 760.

Abb.: Frank Hieronymus: Briefe der UB als Quellen der Buchdruck- und Wissenschaftsgeschichte. Ein Auswahlverzeichnis als Folge von 25 Jahren Ausstellungen in der UB. Beiheft zu: Für alle(s) offen. Bibliotheken auf neuen Wegen. Festschrift für Dr. F. Gröbli. (Basel 1995). S. 37.

S. P. D. Te et viuere et valere, eò magis gaudeo, quò solicitior de te fui. Tuebitur te Deus in posterum etiam. Balthassarem Frei tabellarium, in solitudine aliqua vel interfectum vel mortuum suspicor. Nam alioqui, qua fuit ingenij dexteritate, curasset literas sibi commissas huc afferendas. Peracerbus est mihi boni (vt omnino existimo) viri et fidelis tabellarij interitus. Sed Castalionis nostri obitus multò acerbior. Quàm doleo non datam fuisse occasionem illius conueniendi? Sed ille antecessit, ego propediem separar ἐτώσιον ἥδη ὡν ὄχθος ἀρούρης. Et quidem eò minus inuitus, quod nihil mihi agendum restat praeter quotidianas operas, quibus nunc ratione studiorum meorum accomodo. reliquum tempus curando corpori tribuere necesse est. Nam tu quidem non aetate modò atque ingenio, sed et integritate sensum et animi alacritate multum me vincis, quod quidem ex animo tibi gratulor. Faxit Deus, vt aliquando etiam ἡ τύχη ἀποκρίνοιτο τῷ πόνῳ. In quo si iuuare potuissem: vt debui, sic fecisset libentissimè. Posthac ne quod sperem quidem, habeo, tanta facta est hic et animorum et fortunarum commutatio. Indices tuos te ab Hillero recepisse arbitror. Nunc Suidae praefationem mitto, a D. Villingero approbatam, qui rogat vt strenuè pergas. Chartas excusas emendandi causa, per occasionem mitti ad me velim, ne meorum κακογραφία negligentiae aut inscitiae meae imputetur. Laonicum Fuggeri se recepisse negant, ego me nunquam vidisse scio, posteaquam ad te perlatus fuit. Cedreni mercenariam conuersionem Xylander exoptat. Sed ambigua responsa et mora suspecta mihi sunt. Heruagius ab Erhardo Hillero Basilij epistolas Cos. Hainzelij, et mea fide acceptas, recipiet. Tu curabis ὅπως ὅν μὴ νῦν ἐγγυησάντοι πάρα ἡ ἄτῃ. Plura non scribo, nisi quod te rem bene gerere cupio, et fidem tuam apud D. Villingerum liberare, qui, vti pollicitus est, οὐκ ἀγέραστον σὲ ἔάσει τοῦ πονήματος ἐκτελεσθέντος, eoqüe magis, si curaueris, codices, quos datus es, nondinas, si fieri poterit, huc preferendos. ὠκεῖαι Χάριτες γλυκερώτεραι. Vale. Nonis Martij 1564.

Hiero[nymus] Wolfius  
Tuus.